



Među uhapšenima je i sudija bijeljinskog Suda

Uhapšeni u IRA predati Tužilaštvu BiH

Od Suda BiH je zatraženo pritvaranje uhapšenih u akciji IRA koju su izveli pripadnici **SIPA**

Pripadnici **Agencije za istrage i zaštitu BiH (SIPA)** su 18 uhapšenih u akciji IRA, koja je provedena u srijedu na području Bijeljine, Brčkog, Zvornika, Sarajeva, Istočnog Sarajeva, Banje Luke i Pala, predali Tužilaštvu BiH, koje je od Suda BiH zatražilo pritvor za osumnjičene kojima se na teret stavljaju krivična djela organizovani kriminal, neovlašten promet opojnih droga, neovlašten promet oružja, kao i niz drugih krivičnih djela. Sjednica o razmatranju prijedloga za pritvor trebala bi biti održana danas u Sudu BiH.

Naime, tokom ove akcije je pretreseno 28 lokacija na području Bijeljine, Brčkog, Zvornika, Sarajeva, Istočnog Sarajeva,

Banje Luke i Pala, te je zaplijenjeno oko 70.000 KM. Kako je Oslobođenje već pisalo, među uhapšenima su sudija Osnovnog suda u Bijeljini Jovan Savić, Željko Radovanović, zvaní Krečo, iz Bijeljine koji je povezan sa grupom Milivoja i Dušana Lovrenovića koji su obuhvaćeni istragom u predmetu Storage.

Privedeni u IRA, među kojima ima i nosilaca pravosudnih institucija, terete se za organizovani kriminal, neovlašten promet droge, oružja i vojne opreme te pranje novca iz Krivičnog zakona BiH, te za krivična djela primanje mita u obavljanju privredne djelatnosti, odavanje službene tajne i tjelesne povrede iz Krivičnog zakona RS-a.